



UNIVERSITÄTS-  
BIBLIOTHEK  
PADERBORN

**Principia Juris Canonici : Ex Libro ... Decretalium Gregorii  
IX. Pontificis M / Antehac In Alma & Archi-Episcopali  
Benedictina Universitate Salisburgensi**

**König, Robert**

**Salisburgi, 1725**

**VD18 80460518**

20. De Corpore vitiatis ordinandis, vel non.

---

[urn:nbn:de:hbz:466:1-61781](#)

## §. II.

**2. Subiectum** hujus obligationis sunt obligati ad ratiocinia. Dicuntur autem obligari omnes, qui suscepereunt officium, vel administrationem rei alienae, sive publicae, ut Curiales, Judices, Syndici, Thesaurarii aeris publici; sive privatae, ut Tutores, Curatores, Procuratores, Testamentorum executores, & id genus hominum. Gonadal. in c. un. n. 6. b.t. Hostiensis in Summa h. t. n. 2.

## §. III.

**3. Effectus** obligationis ad ratiocinia est, quod ea adstricte ante officium finitum, redditas rationes & plenam liberationem ordinari negant, ne Ecclesia diffameretur per hujusmodi ministros, qui forte doli fraudisque argui possent. c. un. b. t. c. un. dist. 53. c. 3. dist. 54.

Sunt tamen quidam officiales & administratores, qui hisce Canonibus non comprehenduntur, & ad Ordines admittuntur; ut I. Tutores actuales, seu defensores miserabilium personarum, nempe Orphanorum, pauperum, & similium. II. Administratores locorum piorum, causarum piarum, & rerum Ecclesiasticarum. III. Defensores personarum Ecclesiasticarum. IV. Qui legitimam tutelam proximorum agnatorum suscepunt. Ratio est: quia Clericis quoque conceditur similium tutela, & administratio. c. 5. dist. 89. c. 22. causa 16. q. 7. & c. 1. causa 21. q. 3. Pirrhing. b. t. num. 3.

Sed quid si quis ratiociniis obstrictus contra prohibitionem juris defacto ordinatus sit? R. Bona ordinati Creditoribus cedere in solutum, & si non sufficient, ab Episcopo adiungendum esse, ut quam primum fieri potest, perfecte satisfaciat. In d. Gloss. in c. un. b. t. V. insinatur. docet, Episcopum ordinantem pro ordinato teneri, si in culpa fuerit, & scienter talem ordinaverit contra voluntatem Creditorum. Admetit enim tunc suo facto Cre-

ditoribus potestatem absolute exigendi ob privilegia Clericalia, & ordinato facultatem satisfaciendi ex negotiationibus saecularibus, a quibus propter Ordines susceptos abstinere debet. Ceterum ordinatus, si malitiosè & in fraudem aliorum Ordines receperit, ab Episcopo quidem arbitriè puniri potest, ex dispositione juris tamen propterea nec depunitur, nec clericalibus privilegiis privatur, nec ab Ordinum exercitio suspenditur, cum nullam incurrat irregularitatem, utpote quæ ex natura sua perpetua est, & propter temporalem aliquam obligationem non contrahitur. Sayrus de Censuris lib. 6. c. 14. n. 9.

## TITULUS XX.

## De Corpore vitiatis ordinandis vel non:

## SUMMARIA.

1. *Definitur vitium corporis.*
2. *Quinam corpore vitiati sint?*
3. *Ab ordinibus semobstantur debilitati & mutilati.*
4. *Notabiliter de formes. 5. Et se ipsos sine causa mutilantes.*
6. *Qualiter vitium corporis impedit usum Ordinis?*
7. *Super vitio corporis regulariter dispensat solus Pontifex.*

**L**icitam Ordinationem quoque impedit vitium corporis.

## §. I.

*Definitur vitium corporis, quod sit defectus, ratione cuius quis vel impeditur a congruo exercitio Ordinum, vel exercere non potest, nisi cum gravi irreverentia, aut scandaloso.*

## §. II.

**Subiectum** hujus vitii sunt corpore vitiati; qui sunt vel debilitati, vel deformes, vel mutilati.

*Debilitati dicuntur, qui habent quidem omni membra, sed tamen unum aut plura ineffacia & ad sacrum ministerium inutilia, v. g. manum aridam, oculum cœcum, crux*

con-

Q. 2

confactum, linguam ligatam, vel penitus præcipitem.

*Deformes* censentur, qui maculam aut defectum notabilem in membris exterioribus habent, ita ut sine indecentia, horrore, aut risu conspici nequeant: ut sunt leprosi, phrenetici, paralytici, arreptiti, Lunatici, Demoniaci: item habentes faciem valde ustulatam, labia corrota, dentes disformiter eminentes extra labia, nāsum abscissum, monstrorum gibbum, corpus varie & turpiter retortum, &c.

*Mutilati* sunt, qui membro aliquo carent. Illæ autem partes duntaxat membrum appellantur, quæ sunt integrum & proximum instrumentum alicujus principalis actionis humanae, ut manus, pes, oculus, &c. Reliquæ, quæ tantum coadiuvant partes Principales in sua functione, membra non sunt, sed partes membra, ut constat ex l. 10. ff. de *Ædilit editio*. ubi digitus appellatur aliquid membra: & ex c. 6. h. t. ubi carens alterâ manu dicitur mutilatus; is vero, cui dimidia palma manus cum duobus digitis abscissa est, solum dicitur debilis & deformis. c. 2. de *Clerico Aegrot.* Ex quo Covarr. in *Relect. Clem. furiosus. de Homicid.* p. 3. in princ. n. 8. concludit, eum ab irregularitate posse excusari, qui alteri tantum unum digitum, vel auriculæ cartilaginem absciderit.

### §. III.

*Effetus* vitii, seu defectus corporalis est, quod eō affectos reddat irregulares. tot. dist. 55. & passim. h. t. Itaque

3. I. Ad Ordines inhabiles sunt debilitati, aut mutilati membro necessario ad exercitium Ordines: quia æquitas naturalis dictat, ad Ordines non esse promovendos, qui eos exercere nequeunt. Nec refert, sive justè, sive injustè; sive culpabiliter, sive inculpabiliter, proprio aut alieno facto, vel etiam calu fortuito debilitati, seu mutilati fuerint per c. fin. dist. 35.

Dubium est, an si quis ob defectum v.g. manūs aut digitis indicis, vel pollicis Sacerdos ordinari nequeat, saltem possit ordinari diaconus, cuius officium exercere naturaliter non impediretur? Non puto: quia in c. 1. dist. 36. & c. 3. h. t. expressè statuitur corpore vitiatis non esse promovendos ad Clericatum, consequenter ad nullos Ordines, utpote per quos in Clericatu constituerentur. Similiter in c. 59. dist 50. generaliter reputantur inhabiles ad divina ministeria. Alii eam addunt rationem, quod omnes reliqui Ordines sint præambuli ad Presbyterium, ut propterea irregularis respectu hujus, censeatur quoque talis respectu aliorum Ordinum. Sed displicet hæc ratio; non enim inter illos Ordines necessaria est actualis conexio, cum plures sint tituli Cardinalium, & plures præbendæ in Ecclesiis Cathedralibus, in quibus solum Ordo subdiaconatus, aut diaconatus sufficit.

Planè abstemius, qui vinum bibere non potest, quamvis ad Sacerdotium promovendus nequeat, ut notat Panorm. in c. 5. de *Celebrat. miss. n. 1.* attamen ad reliquos ordines probabiliter admitti valet: propriè siquidem corpore vitiatus non est, neque absolute prohibetur ad Clericatum promoveri, cum non minus, quam alii possit sancte & sine illusione in Subdiaconatu vel Diaconatu ministrare, licet per accidens propter sumendum Sanguinem sub speciebus vini Sacerdos fieri nequeat. P. Engel h. t. n. 17.

II. Ab Ordinibus arcentur notabiliter deformes, et si sine sua culpa deformati sint: quia *incompositio corporis inqualitatatem indicat mentis c. fin. 9.* sicut ergo dist. 41. Et in Lege Veteri à ministerio DEI repudiabuntur deformes ut habetur *Levit. 21.* quanto magis in Lege gratiæ. Gonzal. in c. 2. n. 6. h. t. Levis tamen aliqua deformitas v.g. macula in oculo, aut exigua claudicatio Ordinatione

non obstat c. 2. b. t. c. 10. dist. 55. juncto c. 57. dist. 1. de Confec. An vero sit deformitas notabilis, vel levis, in dubio, & extra casus in jure expressos, relinquitur arbitrio Episcopi ordinantis c. 2. & ibi DD. b. t.

Sed quid sentiendum de illo, qui uno tantum oculo videt? Distinguuo: an alter oculus præcipue sinister seu Canonicus sit omnino erutus, vel tantum potentia visiva dicitur absque alia notabili deformitate. Priori casu sine ulla exceptione Secerdos ordinari prohibetur in c. fin. dist. 55. itemque dicendum de aliis ordinibus, eò quod oculus erutus præter defectum visus causet simul deformitatem. Posteriori casu, quo oculus est integer, & sola potentia visiva deest, irregulariter non esse, & ad Sacerdotium quoque promoveri posse, verius est; modo in defectu v. g. sinistri dextra oculo absque indecentia & deformitate, id est, sine indecora conversione faciei a populum, *Canonem Missæ legere valeat*, & aliunde irregularitas nulla subsit: similis namque defectus ex se irregularitatem non inducit, neque quo ad istum effectum ullibi in jure sit oculorum distinctio, ut adeò nec nos distinguere debeamus. P. Engel b. t. num. 5. Barb. J. E. V. lib. I. c. 33. n. 140. & alii contra Suarez, ac complures alios afferentes, ordinari neminem posse, nisi sinistrum, ceu oculum Canonicum videntem habeant.

III. Ad Ordines non admittuntur, imò etiam Ordinati ab altaris ministerio removentur illi, qui voluntarie, & sine justa causa, quocunque corporis membro, aut parte membra privata sunt: sive deinde sibi ipsis abscederint, sive per alios abstendi procuraverint, effectaverint, aut permiserint, c. maritum. 2. dist. 33. c. 4. s. 6. & 9. dist. 55. c. 3. & 4. b. t. Idque statutum est non tam propter defectum, quam potius propter saevitiam, & malam voluntatem, quæ ausa fuit

sibi ipsi ferrum injicere, ut loquitur Pontifex in d. c. 5. dist. 55.

Dixi: qui voluntarie, & sine justa causa: &c. si quis enim invitus v. g. ab hostibus tempore belli, vel ex justa causa infirmitatis, seu ad conservandum reliquum corpus, aut alia graviora corporis mala evitanda ex consilio Medicorum membra alicujus mutilationem passus fuerit, ordinari minimè prohibetur, modo talis mutilatio notabilem deformitatem non afferat, nec impedit Ordinum executionem, ut prius dictum. Sic in c. fin. b. t. ad ordines admittitur, cui in pueritia abscissa fuit ungula, seu prior articulus pollicis, si per reliquam ejusdem pollicis partem hostiam commode frangere valeat. Similiter juxta c. 7. dist. 55. & c. 3. & 5. b. t. eunuchi natu, vel ex justa causa, aut inviti castrati ordinari possunt.

Utrum verò sola vocis conservatio sit justa & sufficiens causa, propter quam voluntarie castratus irregularis non fiat? quotidiana disputatio est. Plerisque tamen arridet sententia negativa. Et certè cùm castratio procurata ob servandam castitatem, & vitandas carnales concupiscentias ordinationem impedit per c. 5. & 9. dist. 55. multò magis impediet facta propter solam vocis conservationem tamquam finem longè ignobiliorum. Quod verò interdum mediante vocis suavitate augeatur cultus & honor divinus, ac ipse Musicus exinde congruam habeat sustentationem, quam ex aliis mediis habere vix posset, tanti non est, ut propterea directè imaginem DEI destruere, aut mutilare liceat; maximè quia incerti sunt similes effectus, vel aliis quoque modis convenientius sàpe & facilius obtineri queunt. Late P. Engel n. 11. b. t.

Ceterum vitium corporis, si ex postfacto primum, scil. post jam susceptos Ordines superveniat absque culpa Ordinati, tunc illa saltem ministeria exercere potest, ad quæ pertale

Q. 3

male vitium non est inhabilitatus. Unde Sacerdos, cui per violentiam digiti Canonici sunt abscissi ab hostibus, præter celebrationem potest in reliquis officiis Sacerdotalibus ministrare, v.g. confessiones audire, &c. c. 2. de Clerico agrot. Sic etiam superveniente postmodum deformitate, si scandalum & horrorem abesse contingat, ut si constet, quod ad infidelibus & hæreticis in odium Religionis ita fuerit deformatus, ministrare poterit, sicut prius; & si in publico nihilominus scandalum vel contemptus timeatur, saltem in privata capella, ubi scandalum abesse solet, celebrare licebit. Atque ita accipio c. 57. dist. 1. de Consecrat. ubi Sacerdos cum baculo ad altare accedere prohibetur, nimurum in solenni Missæ celebratione, ubi metuitur risus, vel scandalum; non item in celebratione privata, ubi cessat ratio prohibitionis. Morbo caducō vel simili laborantes specialiter in c. 3. dist. 33. tam diu ab executione Ordinum suspenduntur, quo usque unius anni spatio per discretionem Episcopi inveniantur liberati.

**7** *Questio superest: quis super irregularitate orta ex vitio corporis dispensare possit?* Ad quam respondeo, regulariter non nisi Papam quo ad Ordines primum suscipiendos dispensare posse. Pirrhing. cum communi b. t. n. 15.

Dixitamen I. regulariter: aliquando enim etiam quo ad ordines suscipiendos Episcopo competit dispensatio in vitio corporis; nempe si occultum sit, & ex occulto delicto proveniat per Trident. sess. 24. de Reform. c. 6. ubi Episcopis conceditur facultas dispensandi in omnibus irregularitatibus & suspensionibus ex delicto occulto (excepto homicidio voluntariō) provenientibus.

Dixi II. quo ad ordines primum suscipiendos: nam si talis defectus post susceptos Ordines superveniat, quo ad exercitium ordinum Episcopus dispensare potest; modo mutilatio non sit notabilis, & ordinatus sine

scandalo ministrare valeat, licet aliquo modo culpabiliter defectum contraxerit. Colligitur ex c. 1. b. t. & ex c. 1. de Clericis pugnantib. Quodsi in culpa non fuisset, dispensatione non indigeret, ut diximus. Excepit casus in c. 4. b. t. ubi specialiter reservatur dispensatio ad ministerium altaris cum Sacerdote, qui credens le obsequium præstare DEO, se evirari curavit, ut per hoc manifestius abstereantur homines, qui facile alias ex tali fine id licitum existimarent.

## TITULUS XXI.

De Bigamis non ordinandis.

### SUMMARIA.

1. *Bigamia definitio. 2. 3. 4. Et divisio.*
5. *Origo Bigamie.*
6. *Quinam bigamiam contrahant?*
7. *Cur bigami ab ordinibus arceantur?*
8. *Quis super bigamia dispensare possit?*
8. *Explicatur c. un. b. t. in 6.*

**D**Enique Ordinando obstat Bigamia, seu, ut alii legunt, Digamia; quæ vox propriè significat binas nuptias c. II, cap. 31. quast. I.

#### §. I.

*Definitur Bigamia, quod sit status conjugati cum duabus, aut pluribus conjugibus vel realiter, vel interpretativè, vel similitudinariè.*

#### §. II.

*Dividitur Bigamia in veram, interpretativam, & similitudinariam.*

*Vera dicitur, cum quis successivè duas, vel plures uxores legitimè duxit, easque carnaliter cognovit, hinc qui duas uxores habuit, si altera ante copulam fuerit mortua, bigamus non est, arg. c. 5. b. t.*

*Interpretativa est, quando quis reverè quidem cum duabus matrimonium non contraxit, secundum interpretationem juris tamen censetur contraxisse, ac consummasse, Quæ bigamia*